

# Permata Insan lahir teknoerat Islam

**U**NIVERSITI Sains Islam Malaysia (USIM) akan membimbing pelajar pintar berusia dari lapan hingga 18 tahun untuk menjadi ilmunan dan pemikir Islam yang agung berteraskan al-Quran dan as-Sunnah.

Inisiatif ini akan dicapai melalui Pusat Permata Insan USIM yang dilancarkan oleh Isteri Perdana Menteri, Datin Seri Rosmah Mansor di Nilai, Negeri Sembilan baru-baru ini. Pusat tersebut merupakan sebahagian daripada program Permata Negara.

Modul Program dirancang dan digubal secara bersama antara USIM, Jabatan Kemajuan Islam (JAKIM) dan Universiti Kebangsaan Malaysia (UKM). Ia menekankan pendidikan ilmu wahyu di samping membimbing golongan pelajar pintar itu mencapai cita-cita mereka.

USIM turut mengadakan kerjasama dengan Universiti

King Abdul Aziz, Arab Saudi yang sudah mempunyai program seumpama ini dalam memastikan program itu dapat dilaksanakan dengan efektif sehingga ke peringkat antarabangsa.

Program Permata Insan ini akan mengambil pelajarinya menerusi proses saringan Ujian kecerdasan - UKM I yang sedang berlangsung dari Mac dan berakhir pada Mei ini.

Setelah melepasi tahap itu, mereka akan disaring sekali lagi melalui Saringan USIM I yang akan memperlihatkan kepintaran mereka dalam bidang pengajian agama. Pada peringkat ini, sahsiah peribadi dan keluarga serta komunikasi para pelajar juga akan dinilai.

Pengambilan pertama Permata Insan terhad kepada 50 pelajar yang pintar agama dari seluruh negara. Pemilihan ini terbuka kepada seluruh pelajar-pelajar pintar di

Sekolah Rendah Islam, Sekolah Agama Negeri, Sekolah Agama rakyat dan swasta serta individu yang berminat.

Hasil Program Permata Insan diharapkan dapat melahirkan pelajar yang berorientasikan al-Quran yang mampu membangunkan tradisi keilmuan Islam yang terbilang sesuai dengan persekitaran dan teknologi terkini.

Selain itu, mereka juga dididik untuk menjadi tenaga profesional, teknoerat dan saintis yang memahami, menghayati dan mengaplikasikan Al-Quran sebagai pandangan hidup.

Hal ini berlandaskan sejarah tokoh-tokoh Islam yang terkemuka seperti al-Farabi, Ibn Sina, Al-Kharizmi dan Ibn Khaldun yang mendapat asas agama yang mantap terutama ilmu-ilmu yang berkaitan dengan al-Quran sebelum

mereka muncul sebagai ilmuwan Islam termasyhur.

Antara aktiviti-aktiviti yang telah dijalankan adalah diskusi intelektual yang diadakan pada awal November tahun lalu yang bertujuan

menyumbangkan buah fikiran bagi menambahbaik Program Permata Insan USIM.

Jawatankuasa Program Permata Insan akan mengadakan sesi lawatan dalam dan luar negeri untuk membina kolaborasi dan mem-

bentuk jalinan kerjasama.

Manakala Ujian Kecerdasan Minda Kanak-Kanak dengan kerjasama UKM bertujuan membantu ibu bapa mengetahui tahap pencapaian anak mereka dari segi pembangunan mental dan fizikal.



**ROSMAH** Mansor beramah mesra dengan murid yang hadir pada majlis pelancaran Pusat Permata Insan USIM di Nilai, Negeri Sembilan baru-baru ini.